

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : YANG BERHORMAT DATO' JOHARI BIN ABDUL  
[ SUNGAI PETANI ]**

**TARIKH : 16 MAC 2016**

**SOALAN :**

**YB Dato' Johari bin Abdul [ Sungai Petani ] minta PERDANA MENTERI menyatakan :-**

- (a) berapa jumlah pelajar Tajaan JPA, MARA dan lain-lain Kementerian yang mendapat biasiswa pada tahun 2000 hingga 2015; dan**
- (b) berapa dari jumlah ini yang akan dipotong pada tahun ini dan tahun-tahun mendatang dan apakah rasional pemotongan tersebut.**

**JAWAPAN: YB DATO' SRI AZALINA BINTI OTHMAN SAID,  
MENTERI DI JABATAN PERDANA MENTERI.**

Tuan Yang di-Pertua,

Untuk makluman Ahli Yang Berhormat, jumlah biasiswa JPA yang telah diberi setiap tahun dari 2000 hingga 2015 kepada pelajar-pelajar adalah seramai 146,149 pelajar. Bidang-bidang pengajian yang ditaja termasuklah bidang kritikal (perubatan, pergigian dan farmasi) bidang keutamaan (sains dan teknologi, kejuruteraan dan seni bina) dan bidang-bidang lain (sains sosial/sastera iktisas) Negara-negara pilihan bagi tujuan penajaan pelajar di luar negara seperti Australia, Amerika Syarikat, Jerman, Jepun, Korea, New Zealand dan United Kingdom.

Jumlah tajaan yang dicadangkan pada tahun 2016 adalah sebanyak 8,964 pelajar bagi Program Penajaan Nasional, Program Khas Kejuruteraan, Program Lepas Bursary dan Program Ijazah Dalam Negara.

Sekian, terima kasih.